

四庫全書

史部

欽定四庫全書

欽定熱河志卷三十九

行宮十五

靜含太古山房

有真意軒


碧靜堂

欽定四庫全書



卷三十九

静舍太古山房



靜含太古山房 駕雲寺之側萬嶂環之曠如奧
如得靜者機馬築山房一區顏曰靜含太古邃谷
含風穹林隱日纖塵不到衆籟間然宛在羲皇上
也由西廊而出曰不遮山樓高入雲際林嵐迴抱
繚白縈青樓下曲徑纒連山腰石磴間不覺登陟
之勞廊盡向南得小亭顏曰趣亭

御製詩

靜含太古山房

壬午

秀起堂名占高朗山房別一區稱佳以幽僻契妙更清殊
松不煩新種石皆入古圖子西善忖度心得乃先吾

靜含太古山房

癸未

秀起真秀起讀文如大家巖徑更屨步仄磴盤雲斜別
體築山房派擬郊島誇是時正小年太古靜且嘉子西
曾未到先得同然耶

靜含太古山房

仄徑纔容步過橋便到門藉峯作屏障倚巘築牆垣秋

色來方推風聲起欲軒既云含太古底事未忘言

靜含太古山房

夷峻山屋祇三間得概欣看萬嶂環無暇翻思難應接
有懷那謝一躋攀芬聞野卉巖邊纈響遞幽泉澗底潺
不是子西高尚輩安能箇裏鎮消閒

靜含太古山房

甲申

太古以來山築房含以靜孰古抑孰今房用無言領我
心亦如之小坐趣為永巖風送爽至欣披真即景

靜含太古山房 乙酉

綠樹全染紅紅又風前少色即空豈誣動歸靜有道恰如太古初名相非所曉山房足當之會於無言表

靜含太古山房 丙戌

山房別一區乃在書堂下彼以迴而秀此則秀而野石泉階底淙松濤屋端瀉於何見古意塵念都蠲舍研匣又宣傳笑此奚為者

靜含太古山房 丁亥

山房秀起

堂名

隅雲棧致縈紆委宛如藏密窈深足靜娛

秋風滿座爽野景一窓輸城外山田見黃雲近遠鋪

靜含太古山房

戊子

何處不太古山房獨擅稱階前俯聞硤窓外即峻嶒望
復目眸豁坐教心意澄梵鈴空際落便似悟南能

靜含太古山房作歌

己丑

秀起堂名若大家李杜萬丈光芒透山房似別裁郊島無
妨寒與瘦窈而曲如往而復倚巖小築三間屋漫嫌十

笏繞容膝萬壑千巒一窓足千巒萬壑自太古豈識樸
室及華廡凝神契靜合忘言底用勞勞辨纂組

靜含太古山房

辛卯

自我來山莊西峪茲兩至一以少閒暇一以多政事對
山頗自笑何必煩點綴增景則不無仍付鹿守訖叶巖
房本弗多勝惟據幽邃太古豈其遙峯林詎改置就飾
斯非難反靜未云易

靜含太古山房

癸巳

仄徑下曲崦山房樓巖隅以幽不恒到惟靜足堪娛恰
度小年候偶拈五字鬚景光又覺異興會自然殊

靜含太古山房

甲午

鬱紆下崇陟山房藏室與幽峽落風寒密林蔽日曜六情
於焉靜一塵所弗到不因小年來安識太古妙欲擬斯
久坐還恐誤政要

靜含太古山房

乙未

山房窈窕間尋常弗輕至黃綠茲偶遊喜值秋風霽氣

登一天涼林翺四鄰翠以幽轉致曠放彌出卷密叶堪
注子與書萬物於我備

靜舍太古山房

丙申

盤磴下威紆入壑窮窈窕山房忽面前既近仍疑遠云
房舍太古房實構以晚太古實舍房偶因房而顯涉名
則紛紛忘象乃契筦叶而我曾何謂屢吟泐壁滿

靜舍太古山房

己亥

落斜不數武而總步仄徑於密忽小谿山房撲以淨鄰

虛意為永攄迴峯羅勝開窓引清風可望亦可聽松籟
為絲竹石稜供餌飮靜色與清聲不塵總悅性把筆欲
吟難思量無句稱

靜含太古山房

辛丑

秀起堂右側磴道下踰窈得平過十尺室較十尺小而
室乃三架計容膝不少山自太古有靜覺秋光好問誰
知其含趣在五言表

靜含太古山房

壬寅

山房藏委宛既狹中亦宏客房可三間祛華惟樸楹可
以延遙日可以澄素情我昔來遊此與之太古名然自
太古來原有此亦誠恰值少年長宜靜絕外營而我勅
幾人耽斯恐過生

不遮山樓

壬午

山樓雖迴不遮山幾點新紅萬綠間奇破天慳欣始遇
尋常林壑擬從刪

題不遮山樓

樓在萬山裏偏云山不遮名言何有定愜意與之遊為
是初成趣歸來便領嘉喜新吾尚爾復古志徒賒

再題不遮山樓

肩輿西峪趁幾閒振籜秋風頃刻間今日登樓有佳會
別開生面不遮山

不遮山樓癸未

山樓山復不遮山翠邐青紫遠近間拾級不言經歲隔
凭窓聊喜片時閒

不遮山樓口號

夏葉密綢繆空懷不遮意山樓今欲云副實行將至

不遮山樓

甲申

山樓倚巖出青霞凸態凹姿總不遮獨有當窓一枝好
天然小幅展倪家

題不遮山樓

乙酉

低小山樓號不遮冷窓全攬近還遐廓然雅契大公音
寧在林嵐翬目嘉

不遮山樓口號 丙戌

山不遮樓樓不遮誰賓誰主總名加驀然林下逢蒼鹿
勝我無言亦八叉

不遮山樓 丁亥

精小山樓翼若飛峯姿嶺態捲書幃曾論見說吾無隱
觸目孰非靜者機

不遮山樓 戊子

小閣開窓山不遮遠峯近獻各呈嘉夕陽欲落依西嶺

幻起東林一片霞

不遮山樓己丑

洞達層樓納颯風林光嵐翠四鄰通不遮寧為去聲看山

色宋祖開門意正同

不遮山樓辛卯

拾級俯臨萬景披紅增綠褪仲秋時開門宋祖不遮意在彼吾心匪在斯

題不遮山樓癸巳

倚山築小樓
面前堪眺遊
背後開虛窓
見山亦不遮
表裏須洞達
攬景何須賒
攬景固佳矣
而吾更有加
人情紛萬殊
一照寧無差
明達徹壅蔽
卓哉惟重華

不遮山樓

甲午

勝處起樓非背山
開窓終日對孱顏
不遮於此猶容易
欲悉人情實則艱

不遮山樓口號

丙申

山不遮樓樓納山
偶來消得片時閒
設如較彼名實處

我亦疑其賓主間

不遑山樓

辛丑

曲折通廊處起樓枕翠微
匪誇兩層迥却嘉四鄰
園守閑無藏妙鉤深每息機
開窓萬峯納或免義山譏

趣亭

壬午

小亭未足十笏勝趣乃占千山
虛牖竒供曠覽崇巖逸
謝勞攀流動則資石瀑周遮不厭林闌欲藉澄心觀物詎
云徒尚高閒

題趣亭 卷末

夏山宜畫復宜詩
喬翠低紅萬狀披
真與小亭增趣矣
尋思知趣者為誰

趣亭

試問今來情所關
金聲多在翠微間
領完夏趣領秋趣
却是人忙亭祇閒

趣亭

甲中

十笏未為廣四時
寧有窮延來總佳
景妙處是天工
秋

葉尚餘綠山花亦作紅如詢趣所得不在色形中

趣亭
乙酉

山深秋意佳葉落峯姿露孤亭何礙窄此中有真趣雖

鮮

上聲紅綠繪豈不聞後素時復作天籟悠然勝韶護

趣亭
己丑

委婉遊廊曲入深啟窓峯翠撲衣襟寧當小大評山景
得趣由來盡可吟

趣亭
癸巳

窮深之處疑巖扉擇向為亭枕翠微四柱空空趣無盡
雖然識趣者應希

軒意真有



有真意軒 自西峪至秀起堂山徑縈紆架屋數楹

御題額曰有真意軒軒外林壑高下一邱一壑一草一木俱有真意陶潛詩所云欲辨忘言者殆曲盡其致軒左曰空翠書樓右曰小有佳處後有亭顏曰對畫雲崖飛瀑萬象空明倏忽變幻如見荆關筆妙也

御製詩

有真意軒

癸未

秀起昨年初構堂入從西峪路微長山凹一曲宜憩步
松下數楹恰受涼小許底須較大許機忘亦自并言忘
雲容峯態標真意總在陋中委宛藏

再題有真意軒

誰則無真意知真復是誰春風秋月世過去未來時莫
道景常改請看山弗移疎軒付不語小坐恰相宜

有真意軒

甲申

開我今秋窓拂我昨年席歷歷有今昨碧空乃無迹刻
土緣構軒土已變石壁雲散不覺久雲來不覺益咄哉
均戲論真意非語默

有真意軒

俯仰風行與水流太空落落祇清浮咄哉真意固如是
豈在尋常色相求

有真意軒乙酉

意者心之旌真者偽之宰意苟真是託那為聲偽所殆

聖經言正心其先誠意在誠斯無不真豈復外物待然則命此軒固非因索罪

有真意軒

丙戌

西路路必經相過遂成憩輕輿豈復勞肩者未容憩叶
一以暢予懷一以息彼弊山莊本仙境何處不佳致廊
然五間屋足受萬物備林風奏清涼巖雲幻陰霽即景
得奇遭是謂有真意

有真意軒

秋軒逕入深秋宇落峯陰靜趣愜幽賞餘閒又偶臨林
踈山露骨溪淨水澄心意欲尋真者須來此處尋

有真意軒

丁亥

宵睽山谷處蔥朧林樹間自然稍位置雅喜足蕭閒畫
格當秋疊琴音過雨潺問子真意託恒是憶民艱

有真意軒

入谷有蒼山望林無綠樹林谷環抱間書軒於此遇窓
明受曦溫架馥貯竹素故是避暑莊斯則向陽處颯景

雅宜人流陰亦堪悟

有真意軒

戊子

最喜山深處
萋來夕靄時
翠峯非假色
紅葉是新枝
土剝久成石
松喬下長聲
芝既云真意
有拈詠復何為

有真意軒

己丑

曉軒隱重翠
是日叩林闕
攬榻來涼簾
捲簾入碧山
撫題思舊歷
摘句伴今閒
真意有何處
知於松石間

有真意軒

庚寅

西峪幽居來往經今年却是此初停為欣齋額有真意
復訝山容無定形坐愛向陽成永久觀惟忘物得清寧
千林落盡紅蕪紫祇剩巖松罨戶青

題有真意軒

辛卯

西峪幽深弗數至至斯佳趣得殊前愛循棧徑忘行倦
忽造山軒可憩便閤舍鱗依城郭外乘禾墉積圃場邊
問予真意於何在不離去聲民情是我田

題有真意軒

壬辰

經年曾未到今日偶偷閒却對山林處原如昨近間衣
涼天籟落屋潤嶺雲還卽是饒真意視民每憶艱

有真意軒

癸巳

有自無中生真乃假之對皆屬意所為賓主寧當背軒
曰有真意倒置義似晦尋思可別解空空室何礙於意
尚不居豈知有真在而我卽景吟是謂遊物內

題有真意軒

乘閒跋馬歎巖扉真意都詮靜者機澗水滌塵一帶繞

雲峯展畫四隣園鹿知熟徑尋常到鳥惜芳陰不忍飛
笑我無能注周易於斯息慮究精微

有真意軒

甲午

過雨山蹊濕弗塵又非作凜宛堪循到來忽已成隔歲
會得居然值此辰雲縱晦明寧是幻軒無刻畫祇惟淳
欲知真意應何託時不忍忘曰愛民

有真意軒

乙未

多時西路弗經遊山徑行輿路不脩喜是林間恒見鹿

幸遊松下未鳴駒巖軒簾軸堪延望繩榻書翻輒小留
默會云何真意在一天風物總殷秋

有真意軒歌

丙申

白家少傅樂府章曾云人心不可防是蓋歎其鮮真意
徒稱心赤言如簧此軒謂之真意有實因山深蔽林數
山雖深而林雖蔽屣步以至山容林態無不畢露從人
取是即有真意而無所藏試問人情可能似此否

題有真意軒

己亥

西峪巖谷中是為最初地文軒據山凹向名有真意本
來無忙務耐可坐而憩循名欲責實相羊引深思直著
妄之對意者心之使必其心乎理所發乃純粹設匪克
已功鮮弗為私蔽私蔽莫非妄求真實艱致豈如碧峯
靜無言無不備

題有真意軒

庚子

今年西峪此初行蘿徑蘭蹊步覺生無盡有真同一意
萬壽山陽有題曰無盡茲曰有真意蓋無盡然
後有真而有盡必致無真一而二二而一者也喜新厭

舊亦常情

至山莊十餘日始來此一以無暇
一以遊涉新構諸景故次及乎斯庭前樹當

夏陰張

去聲

巖側花過雨色榮人在屏南研之北成吟也

覺粹而清

題有真意軒

壬寅

萬壽山軒曰無盡避暑莊軒曰有真方寸之心祇一意
有其無盡何無紛然而有真乃無盡設其有盡無真存
一而二而二而一誠其意者思斯文

空翠書樓

癸未

屋裏通廊纔數武
虛中納約有餘思
四山空翠庭前落
恰是書樓捲幔時

空翠書樓

高下隨山勢為樓在所宜
兩間亦稱迴八牖恰堪披
挹林光秀全收峯態竒
庭陰空翠落為憶浩然詩

空翠書樓

甲申

一谷秋風衣袂涼
飄飄空翠染山光
浮來忽向庭陰落
孟氏詩中得趣長

再題空翠書樓

書樓曾是不恒來來亦何嘗坐久陪今日無端消半刻
秋霖有意博吟裁迎襟颯爽掀簾入謀目溟濛共牖開
得句肩輿原即去於凡淹繫底為哉

空翠書樓 乙酉

西峪有佳趣一曲一改觀書樓因迴為樹杪縱目寬然
不礙山翠浮空來座端生白盈虛窓凝黛猶遠巒足以
興靜吟足以愜清歡何必學義公於斯覓心安

空翠書樓丙戌

兩間亦可號書樓
灌木層巖葉尚稠
一晌登臨得奇會
落來翠影自空流

空翠書樓丁亥

屋裏遊廊曲轉通
坐來暖日尚和融
蜃窓試一閒憑看
始覺四山翠是空

空翠書樓辛卯

空林圍四面
翠影落中庭
耐可悅心性
誰能擬色形
既

虛無侈望惟寂有餘聽書卷原陳几所慙善取型

空翠書樓

壬辰

書樓向空翠空翠額書樓最契靜虛趣乃蕪名實收曠
間常欲閃風處又如流底事微紅點尋思節報秋

空翠書樓口號

癸巳

開處竒觀一窻納落來生翠四山披恰如樓閣空中住
未可尋常物色之

空翠書樓

甲午

重閣八窓空四鄰疊巘通落來翠無盡望去景難窮豈
是吟從事而將宗義公底因難著句心與境俱融

空翠書樓

丙申

四山飛翠落虛空捲幔書樓默對中蓮影不花真是淨
義公結字可能同

空翠書樓

乙亥

書樓枕嵒嵒空翠舊為名大似棲空宇而饒納翠情恰
看收雨足滿意向晴迎巒山壑濯新面徐聽落瀑聲

對畫亭

癸未

卷三十九

山陡溪艱水為亭跨上頭是誰經意想亦盡得風流有
雨方成瀑無風不作秋丹青雖入妙可許逐時投

對畫亭

癸未

一川颯沓落秋風四座清涼照碧空月戶團團直北望
是誰寫出廣寒宮

對畫亭

甲申

月戶團團不藉脩座中何異廣寒遊四山飛翠雲垂脚

一谷含涼樹動頭極目總無塵可對沃心惟有靜為謀

展來畫幀伊誰筆王氏臨平正曉秋

石渠寶笈有王蒙臨平曉秋圖

對畫亭口號

踈不嫌稀密不遮玻瓈虛朗勝窓紗今朝竭爾逢秋雨
畫意從新換米家

對畫亭

丙戌

曰畫畫不若是亭亭鮮同真饒氣與韻豈在綠和紅澗
落峯頭雨窓含谷口風藝林多作者似此孰能工

對畫亭口號

丁亥

曲轉雲廊得小亭
額題對畫豈丹青
便教摩詰披真蹟
未覺如斯悅性靈

對畫亭

戊子

畫幀懸來有是乎
氣為神韻靜為腴
所羸趙伯李成倪

贊黃公者春夏秋冬景各殊

對畫亭口號

己丑

拾級聊登更上層
月窓虛處對崢嶸
一聲呦鹿來林下

元四大家畫豈能

對畫亭

庚寅

依舊窓開岵嶠間
對來畫嶂是冬山
林空峯瘦無點綴
繪事羸他落筆艱

對畫亭

辛卯

虛亭置牖糊雲母
風月四時無盡藏
嵐靄峯巒常變幻
可能如是笑倪黃

對畫亭

壬辰

暮靄朝嵐無定態秋來夏去有恒期
欲羸般礪儻儻者
邛便丹青能爾為

對畫亭

癸巳

不問四家及六法愛看林態與峯姿
迎人蒼翠意無盡
正是夏山如滴時

對畫亭

甲午

壁上圓窓納景開夏山如滴眇崔嵬
今朝訝合許渾句
風滿樓知雨欲來

對畫亭 丙申

迴廊延步入一牖納嶽峯四季畫情別誰能粉本臨峯
姿含霽景樹意作秋音看取雲閒處悠然愜我心

對畫亭 己亥

窓入千峯作畫看較於畫更備多端即如乍雨乍晴況
李成馬遠知他欲狀難

對畫亭口號 庚子

去情底論得其神

此為畫品
最上乘

深入精微迥出塵讀舊句

全如讀畫對之訝是七旬人

對畫亭 辛丑


畫者每為山水圖擇宜率置小亭孤此亭畫裡還畫外

對處艱成答語乎

對畫亭 壬寅

是畫原恒對是亭亭前畫意雨冥冥多斯對者如鑿空
混沌因他太不寧

碧靜堂



碧靜堂 倚山為堂絕巘浮青在烟嵐縹渺間

御題額曰碧靜堂聯曰碧宇好秋澄坐延爽籟蒼山太古靜眺引清機堂之左曰松壑間樓右曰靜賞室雲容風態清賞有餘跨澗為樓曰淨練溪樓樸如小閣山高水駛雨集漲盈不必梯級而倚閣憑虛飛瀑淙縱琉璃一片矣

御製詩

碧靜堂 癸未

入峽不嫌曲尋源遂造深風情活蕊禕日影貼陰森秀
色難為喻神機借可斟千林猶張王二字皆去聲留得少年
心

碧靜堂

佳處山情似水情潤含紋疊簷簷楹恰如范氏岳陽記
一碧真看萬頃呈

碧靜堂

樹色碧無礙山光靜有餘明將啟蹕去且復凭窓虛塵

意何曾到道心可驗諸便因思舜命耽逸豈因子

碧靜堂

甲申

借問山深趣山深靜有餘九霄懸碧照萬慮盡空諸側
牖窺蒼鹿倒泉飛錦魚夕陽片時落幻作紫金蕖

碧靜堂

乙酉

碧是色之靜堂居山以深了堪忘淨諦詎止空聲塵心
煩熱避空谷涼風生翠林丁丁橡子落飛啗亂巖禽

碧靜堂

丙戌

堂在萬山中所以不常至至必趣非常而總饒靜意長
空一片碧疊樹千章翠映帶難形容夫何可思議於無
思議際如是偶清寄

題碧靜堂

丁亥

一區隱峭蒨數息陟岬嶠雖是輿而逸不忘肩者勞窓
間延遠黛松下聽寒濤率意成新什苦吟卹首搔

碧靜堂

戊子

一徑入深林三間棲碧嶂既靜慮因澄惟虛觀亦暢遠

山夫何似高下翻翠浪可以滌塵襟而盡非時尚壁間
新什闕此債應須償

碧靜堂自朝

己丑

巖一起一伏谷一抱一環為勝輒弗同而頗勞躋攀擇
最築軒堂攬要圖坐觀原復肩輿至僕人忙不閒推已
之謂恕吾猶慙此間

碧靜堂

庚寅

烘谷秋陽暖雅宜問景前徑穿出樹杪堂迴坐山巔縱

目極空濶俗情都棄捐碧天真是靜無際一虛圓

碧靜堂

辛卯

一谷經千曲非遙轉致深碧兮如濯目靜矣恰宜心林
未玫瑰色泉猶琴瑟音秋長今歲獨呦鹿且遲尋

碧靜堂

壬辰

一曲巖阿閱四隣山色圍秋光入蘿徑暇日欵扉綠
意猶如許素心初不違徘徊研竹素未易契精微

碧靜堂

癸巳

羊腸纔數轉螺髻又高寒拾級得門戶構虛有室軒花
清錦如濯松古籟非喧几上芸編設乘閒手自翻

碧靜堂

甲午

築堂倚集葉開牖眎傑池太古碧無盡日長靜此時鶴
林言則合栗里住斯宜距躍彼應樂達聽我異為

題碧靜堂

乙未

山堂棲翠峻雲棧幾盤登到似披圖入坐惟摘句應靜
觀今日愜碧宇好秋澄亦欲無言去其如興每增

題碧靜堂

丙申

今歲今朝到昨年昨日同光陰誠迅速吟詠那終窮即景番
番異興懷旋旋融千林一色碧靜意接長空

題碧靜堂

己亥

夏秋三月塞園居園返山堂乃到初慙我未能領此靜
知他畢竟笑其疎歸根樹葉露峯骨泛乳茶甌點菊蕓
一晌消閒旋復去似茲構築若為諸

碧靜堂

庚子

雲棧縈紆蔥蔥露披肩與步步入幽奇未渝碧也彼萬樹
真是靜哉此一特鹿不避人窻下過鶴如陪客砌傍窺
駐莊兩月斯初到自笑何須構築為

碧靜堂

壬寅

過谷復登山書堂松壑間隔年猶碧靜快霽對孱顏日
朗林愈翠風清窻不閑摘吟惟遣興那擬破天慳

松壑間樓

癸未

山陰多古松巖壑亦復杳就迴宜為樓兩間已不小側

耳聽清冷謀目延窈窕惟覺道心生那有塵懷擾得句
應脫凡為聲在青雲表

松壑間樓

大壑之間有古松樓因松亦古情濃登樓祇聽濤聲謖
不似通明許客逢

松壑間樓

甲申

山抱偏欣水復環清秋為我開林闕坐來底覺衣襟風
樓在長松大壑間

松壑間樓丙戌

枝峯蔓壑不可數時有長松千歲古擇向為樓適其間
天風颯沓為鼓舞照人碧靜成蒼顏白鶴下立階墀前
廣成子乎洪厓仙舉手與我相周旋忽盼秋雨滋山田
自笑畢竟無仙緣

松壑間樓庚寅

曲廊高下有階通小小書樓大壑叢誰謂秋山生意少
綠盤松蓋恰窻中

松壑間樓

壬辰

蒼松生壑底上欲參青霄但看其貌古誰計其年遙構樓松之下對松開雲窠邨藉巖風吹坐則聞謖濤擬當挾穎師朗然七絃調

松壑間樓

丙申

山樓處處有此獨稱松壑不惟窈而深真是清堪樂澹澹谷神存謖謖天風落近者峯嶙峴遠者嶺迴薄太古之秘室軒楹費構作混沌本自佳儵忽饒穿鑿促成五

字去聊識興所託

松壑間樓口號

巳亥

松壑之間兩架樓千林葉落速深秋愛他獨樹為奇者
韻自寒濤翠自流

靜賞室

癸未

愛向山深處構居山深處趣試言諸雲容峯態靜無比
月夕花朝賞有餘坐席尋常都集妙啟窓端是為延虛
將迎內外胥教泯語著程家定性書

靜賞室口號

山深不期靜自靜室樸曰惟宜實宜却笑如斯延賞處
偶來亟去信何為

靜賞室甲申

言靜莫過周易著詮曰有濂溪乾坤易簡合撰形神善
惡斯齊樂水樂山仁智秋風秋月端倪造物四時無盡
餘閒惟古與稽

靜賞室乙酉

肩輿盤過翠微峯別有壺天隔歲逢
指向蜃窻聊縱目
當前恰得一株松

靜賞堂

丙戌

偶來靜賞室圖閱靜賞幽山川自太古風月仍清秋似
此最佳處宜付隱者流忽忽肩輿去五字徒吟留

靜賞室

丁亥

尋勝盤聲壘造極開林藪契妙不出庭納約原於曠造
物無盡藏所遇隨人取饒靜本非寂曰賞夫何有

靜賞室

壬辰

室樸山深林復虛惟餘一靜別無餘何當擺脫塵情了
來讀尊盧時世書

靜賞室

癸巳

曲磴緣廊上幽齋隔歲逢
據床晒翠壁當戶撫蒼松雲
淨寥天朗夏深鼓樾濃
茗甌與芸簡隨意作清供

靜賞室口號

丙申

既云靜矣奚云賞有賞應知靜已紛不廢賞而無礙靜

曰惟斯室獨起羣

淨練溪樓

癸未

夾山溪陡水艱貯雨裏方看練影披著箇小樓存此意
終當捲幙俯天池

淨練溪樓

陡澗實非溪值雨有溪時跨澗屋非樓號樓頗覺宜一
切名象誰所為人云亦云豈可辭欲藉想像之練影淨
洗擬議之慮思彷彿溪樓首肯曰得之

靜練溪樓

甲申

昨夜秋空纔過雨
今朝山閣下成溪
恰如練影知看待
觸興能無一再題

淨練溪樓

乙酉

樸齋跨石澗清迴
具樓意語已忽失
笑拘墟在名字曰
樓與曰齋豈非人所置
秋山過雨久澗亦無水
至不水而云溪其義如是寄

淨練溪樓

丙戌

秋山未雨那成溪漫擬樓名孤負題曰待雨來觀淨練
轉成認影笑頭迷

淨練溪樓

丁亥

峽上三間俯碧巖雖無樓實有樓形每教練意憑窓想
何必溪聲待雨聽

淨練溪樓

戊子

樓固弗樓練豈練山堂跨澗待泉披傍人却笑名不副
此意曾非爾所知

淨練溪樓 癸巳

磴空憑虛巖若樓開窓峭峽對尺咫有時飛瀑落攢攢
淨練之名得因此却惜以偶弗以恒偶因過雨恒由晴
今朝恰值夏霖後坐看銀影披巖層宿名所欣副始遇
然亦詩成便言去

淨練溪樓 甲午

石磴如溪落峭崿跨而為室作樓觀何當無事箇中坐
淨曳練光雨裏看

淨練溪樓 乙未

夏末秋初雨稍勤山谿處處掛泉分小樓今日名循實
滌目澄懷迴不羣

淨練溪樓 丙申

跨壑溪房可號樓夏山過雨落垂流實欣名稱去聲得逢
鮮七字憑吟為少留

淨練溪樓 壬寅

跨溪有室本非樓似閣居然溪上頭無水每疑名不副

雨餘今日練光流



欽定熱河志卷三十九

欽定四庫全書

史部

欽定熱河志卷

四十一

詳校官編修

臣曹斌

檢討

臣德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷四十


行宮十六

含青齋

玉岑精舍

文園獅子林

舍青齋



含青齋 架巖為屋疊石成階與敞晴齋隔溪相望

御題額曰含青齋齋內面北額曰清暉娛人聯曰雲影
罨簷留游情繚白山光排闥送畫意浮藍每深秋
臨幸楓林晚照榭葉朝霜俯視軒櫺尚饒深碧左曰挹
秀書屋右曰松霞室山容峭蒨松徑陰深當

仙莊西北隅南望五雲則碧榭紅闌瑤岑玉水宛在
仙山畫圖間矣

御製詩

題含青齋

癸未

西北林壑幽且夏
去年尋勝得山行
因教小築閒齋者
業已宛看別墅成
信矣可居入畫格
慎哉求適出人情
坐來擬欲披圖史
不為欣生為愧生

再題含青齋

孟秋荏苒仲秋臨
一瞬堪因視古今
延步不妨乘候爽
到齋偏喜對山深
蝶如戀影長依卉
鹿已聞聲尚隱林

恰見遙峯紅幾點翻興

平聲

爾許惜青心

策馬至含青齋

甲申

隔谷巖齋路不遙
乘閒遂與款松寮
誰知攬景忽逾歲
且是駐莊已十朝
此最佳寧當忍
置縱無語亦解相邀
萬年松下脂成珀
聞說僊伶曾遺去聲堯

含青齋

乙酉

底事愛山深
山深愜道心
四鄰圍峭蒨
一逕入陰森
巖想丹猶隱
窻憑翠越侵
潤濃螺黛處
更有鹿堪尋

含青齋

丙戌

含青與敞晴相隔一谷耳秋晚尚餘閒可能孤尺咫千
林已失青萬嶂惟標紫將謂青意無少坐悟其旨芳菲
指明年機括藏於此

含青齋

丁亥

門前峯展屏疊樹尚濃青連得碧無際落來翠滿庭既
饒深以靜莫擬色分形蒼鹿尋難見呦音却可聽

過谷復至含青齋

隔谷復有齋木可拋尺咫沈欣值爽涼宜與窮宛委
烟翠明葉馥馥丁星蕊庭前呈靜機色香胥妙理弗來
得幾朝日影上窻矣

題含青齋

戊子

浮藍繚翠罨簷櫺畫意無形復有形半座生來虛室白
一簾含得萬山青樂兮偶學仲長論陋則非同禹錫銘
猶是林光翳蔚候鹿聲難隱却頻聽

含青齋

巳丑

齋據山之陰戶對山之陽翠峯與綠嶂面面胥包藏雖
秋葉未稀不描畫自張但覺林間風吹來帶微涼欲會
含青者識幻乃得常

策馬過谷遂至含青齋

己丑

乘興跋驂驛巖齋問景堪寥光澄素宇飛翠落晴嵐風峭
樹聲颯露濃花氣馥適繞詠青處原在此中含

題含青齋

庚寅

巖齋極西北幽阻弗恒到今朝風日暄肩輿一窮奧林

娑縱廓落谷勢仍窈窕土陋亦造宏軒楹敞棲嶠青乃
失以忽舍則空成笑憑窻合無欲轉得觀其妙

含青齋

辛卯

石城盤陟進園門向北巖齋可憩言樹色千峯猶張王
二皆秋曦一牖耐溫存虛中足納青瑤入風處還疑碧
練翻度閣芸編堪汲古慙無多暇靜探源

含青齋

壬辰

獅子園向獅子峯峯東溝便稱獅子石城門即鎖溝口策

馬言旋每進北東為宜照西含青兩齋相望近尺咫今朝舍東而就西却是今年到斯始面北開軒據坦岡隔溪砌巖堯嶂峙高枝低葉總含青潤露搖風幻無比設置步兵於齋中亦當青眼相對是

肩輿過谷復至含青齋

兩齋

敞晴含青

隔一谷東西近相望謂近行乃遙陟降歷巖

嶂今朝趁爽涼徐步肩輿向過谷入窈窕造堂得朗曠

面北峙堯峯屏風開綠嶂含青信含青萬林猶張王

二皆

去聲
亟來豈無意秋光漸已傍

含青齋

癸巳

直北山齋仍向北非秋天氣却如秋一窻含處納無盡
滿目青來翠欲流鹿伏禽藏任容與朝嵐夕靄相沉浮
出藍勝負何須校彼二者曾分別不

策馬至含青齋

蜀先主歎髀肉生英雄所見常人異重熙累洽非其時
晏安耽毒亦當忌肩輿步輦寧詎無每莅山莊喜乘騎

適纔攬轡觀良田便沿崇棧園門至入園循谷造山齋
朗開牕戶納青翠豈因玩景暢閒情率以摘詞寓深意

題含青齋

甲午

今朝風日甚清適北谷乘閒試一遊欲闢巖關已滿志
及憑芸牖更宜眸峯姿聳濯黛螺滴葉態低鋪碧海浮
輸與虛齋生白者真佳斯亦弗相謀

題含青齋

乙未

肩輿欲言歸有暇風日美過谷即巖齋便可一憩止含

青真舍青四面翠如洗雖云混松柏亦弗艷桃李佳哉
出藍觀如遇倬雲士

再題舍青齋

跋馬山城入睥睨循谷遂以山齋至山齋本是額舍青
騁望紅葉三五綴仲秋風物故如斯綠邏翠縈艱久勢
色空空處有何青曰舍舍乃無盡意

題舍青齋

丙申

望日祇園瞻禮迴筍輿徐進石城隈巖齋路右聊成總

今歲夏中初度來窻裏含青宿雨過昨夜陣雨即晴天邊拖白
曉雲開林間鹿本出無意却似有心作客陪

含青齋

石街西轉路非遠入室何妨小憩遲青欲變紅誰挽得
此齋却得永含之

到含青齋因題句

己亥

別茲冬夏二年餘到復晨昏七日疎似此幽佳不經意
何須構築合慙予溪流山峙呈來靜翠邏青縈妙入虛

湊以新晴風日爽一塵弗染潤盈裾

含青齋

庚子

降畀就夷麥出谷隨流水書屋築山陰
面向山陽義入秋色已清秋稚青又美
山莊駐逾月趣暇初來此笑語付虛齋
佳趣含之耳

題含青齋

辛丑

一谷東山隔山齋得畝平肩輿不數武
循徑遂至庭闕歲茲初到奚妨稍憇停
千峯生翠煙是朗義光晶玩景

猶餘事籌農真愜情廓然任彼舍獨我年非青

題含青齋

壬寅

山城迤邐入巖扃路便山齋小憇停隔歲由他自生白
憑牕詔我尚含青櫺櫺底用分殊品松栢終看有卓形
似此一塵不到處何當靜坐玩義經

挹秀書屋

癸未

山陰初卜築因迴得高居至每為

去聲

乘興坐還可檢書

凌清志愈淡瞰遠目恒舒秀則誠無忝挹之斯有餘

挹秀書屋

曲轉迴廊窈窕通，蜃窗綈綈几俯空。
清風明月取無盡，山峙川流用不窮。
石越瘦如道士醉，松惟孤見丈夫雄。
玉壺冰弗纖塵著，豈計尋常指顧中。

挹秀書屋

近山構書屋，山景屋中收。
挹秀有如是，於佳不厭求。
楓疎紅益染，松古綠還留。
亦欲無言去，其如詩思投。

挹秀書屋

甲申

逐處山房可貯書貯書為問意何如寧須富誦三萬軸
無逸一篇已愧予

挹秀書屋

丙戌

秋山問題品一字秀惟當望處迎眸淨披來滿意涼丹
楓非渲染翠栢是真常書屋得佳挹何殊六藝芳

挹秀書屋

丁亥

書屋千峯裏嵌奇秀以深青林無別色野鳥有佳音景
颯隔塵境山空生道心挹之恒不竭信可暢清襟

挹秀書屋

戊子

一牖當空聳碧岑，性靈適愜秀而深。
注茲挹彼誠無竭，憶弟因思君子心。

挹秀書屋

己丑

逐處有書屋，坐便可讀書。
獨是無多暇，兼之山徑紆。
偷閒一遊攬，詠此復賞餘。
安能把芸編，玩味深其腴。
剽襲固非他，疎畧實愧予。

挹秀書屋

辛卯

共編插架靜悟悟取便翻看足沃心六藝清芬真華秀
挹之不藉更他尋

挹秀書屋

壬辰

拾級迴廊上書齋別有天築基凌礎礪繞戶祇雲煙衆
岫列簾下古松當座前乾坤易簡現即是玩韋編

挹秀書屋

癸巳

廊轉升今室牕明展古書六經無隱彼一卷足開予日
永年成小風清暑乍祛四時秀不盡挹處定何如

挹秀書屋

甲午

書屋芸編次第開山光相映秀相陪從來六藝多芳潤

取裁

去聲

由人自挹哉

挹秀書屋

丙申

秀色四鄰都可餐挹之無盡憇之安壁間舊句接新句
盟戒綺言却屢寒

挹秀書屋

己亥

山中書屋原含秀經雨山容秀更佳林下過來猶滴露

風邊披去欲開懷

挹秀書屋

庚子

曲廊委宛石梯通窻罨山光近遠中
芸帙稗來千古秀
挹之不盡用無窮

挹秀書屋

壬寅

書屋無過十笏寬固非鄴架插多般
偶然一卷間披覽
亦覺其中秀可餐

松霞室

癸未

山中構樸屋隨宜不擇向曲廊宛轉通竅窺而清暢開
牕對喬松落落隔近嶂欲速嗤右丞看此千尋放

松霞室又題

傍喬松下得幽居松古因之居古如暎帶飛霞繞一朵
綠瓊地襯紫金藻

松霞室

彭澤先生徑華陽隱士家居安彼皆合寓意我聊嘉夕
照何妨染朝嵐故興斜便宜斯室者四季蔚青霞

松霞室

丙戌

閉戶何曾此著書
老龍鱗自峙前除
童童下更丹楓爛
始信松霞名不虛

松霞室口號

丁亥

古松翠參天
新松綠盈把
會見新松似古松
然不可期
年月者如是應無種
松人貞翁弗言笑而啞

松霞室

己丑

牕外擎空百尺亭
雲霞暎帶亦成青
祇宜靜坐聽寒籟

未肯其根剝茯苓

松霞室

辛卯

春風秋月經千歲
暮靄朝嵐鎮古形
誰曰山中無定色
盈牕看取是恒青

松霞室

壬辰

丈尋已上見枝
擎覆室團團
佈蔭嘉楊烟
恰如經少室
照天起處滿青霞

松霞室

癸巳

喬柯落落映牕紗
動奏清濤靜亦嘉
設不聲求以色見
紅霞非也是青霞

松霞室

甲午

循廊上有室對戶外多松歲以千年計時宜九夏逢態
疑霞與蔚神是露為濃漫誚青奪赤童原箇老客

松霞室

乙未

幽室開牕正對松
千年那得問前踪
芸篇中却識其事
恰似子房薦地逢

松霞室

丙申

白雲徂遠天赤氣待騰晚而何松下室青霞忽滿眼挾
雨非所知照日聊且緩鬱蔥與翁濛團支綠油繖此景
太古來相值情何限南樓老人筆

室中懸文史
陳書長松圖

意謂得

佳伴

松霞室口號

己亥

容容落落罨牕紗夢裏為吾醒不差浪說鎖堯堯弗受
赤松常自傲青霞

松霞室 庚子

霞色自紅紫曰青希目謀試一數其曲盖妃道家流室
偶憇松霞信其語有投陰布綠油繖形舞翠鱗乳颺風
為聚散晃日疑泛浮不殊九曲房元始曾憇遊

松霞室 辛丑

迴廊畧轉上書室樓巖迺索當窮其奧陳畫況在裏

室內

有陳書畫

長松圖 數十百年松正對牕前峙而牕糊玻璃神韻

相面視若主若賓間我亦難為擬朝暮蔚煙霞亦弗分

彼此欲問太古初大誰餐之矣


松霞室

壬寅

戶外青霞非赤霞虬枝百尺上盤拏南樓小頓張屋壁

壁間所張長松圖女史
陳書畫自號南樓老人
相印精神本一家

玉岑精舍



玉岑精舍 山莊西北溯澗流而上至山麓攢峯
疎岫如懸圃積玉環列瑤簫精舍三楹

顏以玉岑聯曰活畫展王維川迴空翠清吟尋杜甫峯
並高寒室右偏曰貯雲簷穿雲陟徑有亭二曰湧
玉曰積翠依山梁構室曰小滄浪迴廊盤折倚壁
梯巖下臨深壑每秋雨初過明漪澄練湛然淨淥
矣

御製詩

玉岑精舍

癸未

西北峯益秀戍削如攢玉此而弗與居山靈笑人俗精
舍豈用多瀟灑三間足可以玩精神可以供吟矚嵐靄
態無定風月藏有獨長享佳者誰應付山中鹿

再題玉岑精舍

構舍初看斷手成玉岑近對聳崢嶸林間蒼鹿鳴不已
想是無端認客生

玉岑精舍

構屋對峻嶒雲煙朝暮興碧谿緣雨過紅葉視前增
賞益無厭目遊可當登生輝映襟袖始悟蘊來能

玉岑精舍

甲申

精舍意所屬萬玉圍崔嵬却以無多暇三日方一來
幽深故益靜心與化機諧是間無別物巖鹿時相陪

王岑精舍

乙酉

北峪最深處今年乃收尋披來雲是徑對得玉為岑
既曰能清慮如何尚綺吟自難答斯問層峭或知音

王岑精舍

丙戌

西北峯巒益幽迴三間精舍對欽寄不常到越藏深趣
得少坐因啟秘思澗水未流嫌雨短巖風纔過喜涼隨
昨秋題句分明在今日重看去若馳

玉岑精舍

當前峭壁接雲空上有山堂路可通拾級不嫌勞步履
却從坐底俯龍從

玉岑精舍

丁亥

山莊駐五日精舍乃初到蓋因尚炎蒸故遲造幽與新
晴趣颯爽試一觀其妙肩輿數息至密樹忽開微面對
怪峯聳下臨深澗空塵無一點滓秋有八分料草蟲唧
唧聲如訴去年約

下高峯至玉岑精舍作

戊子

肩輿下高峯下自比登易及至巉嶮處原不如策騎可與
知者言弗知嚼蠟味而惟能騎然不能不可試能則輿習
左右皆如意坐輿者勞顛簸反成累不能則畏馬乃

翻爲苦事不如坐輿穩那慮人勞動精舍旋亦到玉岑
聳青翠岑既罷重登憑牕吟五字

題玉岑精舍

己丑

迤西逕更幽巘坑歷負阻眇彼委宛間是我藏詩所精
舍若真人不訢亦不拒翛然任往來夫豈勞言語

玉岑精舍

庚寅

精舍構幽深而檐聳玉岑林空那有色山靜似無心土潤
鹿留跡霜清鶴隋音坐斯仍問政未可祇耽吟

玉岑精舍

辛卯

西北山居此最深等閒跋馬不常尋陟高降下斯稱便據
榻拈毫率與吟未可依然為慢語所欣卓爾寄崇心促
成大笑鳴鞭去付爾千秋對玉岑

玉岑精舍

壬辰

既已登峻高降下斯為易萬里胥如是在人善會意精舍
最西北谿谷寬深逕乘便步筍與今歲今始至巖嵐都
好在以靜饒佳致石溪有水流覺向得無事尋思前後

霖空

去聲

山潦所積

山無泉者雨後漫出細流俗謂之空山水

題玉岑精舍

癸巳

精舍西北隅山深谷益奧佳境自所閼閭景不恒到今
朝風氣爽乘興試觀徼我馬而人步勞逸特殊調易輿
緩以進數武一憇勞叶結構棲岵嶠高低因勢效蜃窻
坐遊目諸奇無遁貌恰樞右軍帖太冲同致誚

玉岑精舍

甲午

仄徑更向西谿壑益賔幽一步一換形幻景呈轉眸颯

沓落巖風九夏疑三秋窈深既因窮精舍見舉頭玉岑
對面張天機滿志投弗藉錦繡開全露精神道歷年詩
在壁一一覽以周興會殊今昔語句祛雕鏤惟是託性
情詎寧暢豫遊

玉岑精舍對晴

甲午

夜雨連晨雲未開時零時止時浩浩便教繼日知無妨
而心究覺晴為好逮已頗見其勢殺去聲卓午遂放曦光
皦快雨快晴真足慰肩輿石徑無泥潦昨朝炎燄忍已

忘乘涼遂與窮窈窕玉岑精舍極西北祇曾一至茲再
造^叶峭蒨菁蔥總如沐更有山風吹籟巧最娛視聽衣
袂寒蔚藍天色懸秋昊對面巖室小滄浪今日副名誠
不小俯欣有水思濯纓自取之也義可曉

玉岑精舍

乙未

精舍山陰最幽夙今年尚未來遊詠雲山四面登亭子
據高向下斯熟徑因而棧齟盤以降林色變光率真淨
拂谷天風吹袂寒徂雲片片無些剩頃令神心一灑然

風日恰合秋之孟坐久渾欲忘今昔澄慮於斯入無競

降北嶺至玉岑精舍作

丙申

亭子雲山別最高翠壑宛委藏精舍千迴百轉始造茲
欲憇僕從坐巖榭面前石壁已崔嵬小滄浪室其巔跨
高下位置各擅奇却惜領畧無多暇今歲今朝則始到
昨秋昨句乃徒訝山雨飛過却放晴不測神機能變化

玉岑精舍

丙申

更西峙玉岑精舍構山心攬勝寧辭遠探奇畏不深綠

情雖長王

二字皆去聲

紅意已侵尋愛用澄泥硯遂教點筆

吟

玉岑精舍作

已亥

精舍極西北欲造罷以嬾今朝乘新涼不可更需緩況
由降最高事半功倍顯亭子別雲山輕輿遵石棧林海
泛綠波峯迴疑棹轉濟勝有若斯入深無不歎率欲忘
筌蹄那復言倪莞

玉岑精舍

庚子

有暇莫虛擲登高必降下降下於何佳無過玉岑者精舍纔三間樸斷秀而雅碧峯平眼看玉溪繞足瀉可謂佳之最以遠來實寡艱然忽失笑笑此何為也

玉岑精舍

辛丑

登高終降界一語括衆理回首望雲山天半孤亭子嶺端徐歷盡精舍乃得此憩舍偶憑牕玉岑對面時問岑目前乎抑亦於心裏

玉岑精舍

壬寅

精舍西北最深處逶迤而逕仄來不屢每以四面雲山降
取途礪道斯一赴向年策馬是所恒迤則肩輿徐問路
更雇僕御跋涉險已逸忘人勞乃誤至則暢懷實異常
玉岑對我原如故峯姿林態總靜真底事鬢霜增於素

小滄浪室

癸未

塞山雄勝江南山所欠有泉難為貯設使居然渟作池
龍井靈巖不足旅是室名之小滄浪亦雨後斯副名許
吐哉童子賦歌時豈對水方知自取

小滄浪室

梯巖百步廊幽室跨澗作恰來秋雨後試看滄浪那亦
自有波瀾何從覓塵汙水匳以為譬玉峯以為邏明漪
漾鬚眉淨練涵几座屬意在水清寧須論小大

小滄浪室

甲中

迴廊盤石磴飛閣樓嶙峋名之小滄浪責實似不倫忽
然山雨來滿室涼風新戀者為銀瀑渟渟者為玉津滄浪
真滄浪吾將濯纓塵

小滄浪室

乙酉

拾級連百層，樸室棲崢嶸。
滄浪雖無波，心括亦於是。
蜃牕堪騁望，峯景秀莫比。
不有攀陟勞，那得奇逢此。
臻妙恒於艱，因之悟窮理。

小滄浪室

丙戌

倚壁梯巖千步廊，三間室號小滄浪。
到來人與九秋淨，移得松看百箇強。
最喜牕中延翠輦，不妨峯際間蒼紅。
相天池豈必惜無水，纓足翻嫌分別忙。

小滄浪室

丁亥

百步遊廊上千尋陡澗臨澄心托清淺駭目俯欽峯朗
未期開鑑音堪聽滴琴新松牕外植放幹已森森

小滄浪室

戊子

滄浪不在隰而在窄崿間窪樽淺水渟何不可云然惜
非清宵至看印月一彎

小滄浪室

壬辰

山畔築靜室選字題佳名無非寓意耳滄浪之水清前

朝霖雨後處處溪流盈下貯方丈池漂然波紋呈乃知
待時省事半功倍成

小滄浪室

癸巳

跨澗為樸室石窪大於樽夏霖氣通潤盈盈貯水存塵
氛會不到風月所共敦明為照膽鏡清是洗頭盆定州
雪浪石髯翁徒饒言

小滄浪室

乙未

崇巖跨飛閣下俯石峽陡嶺嶠固其常欲戢乃其偶今

朝來雨後乍見銀龍走小貯為滄浪清濁隨所受徘徊
一循名方覺未孤負

小滄浪室

丙申

跨壑為巖室左右窪樽俯其實鮮遠源惟藉山雨貯貯
則成清溪滄浪斯可觀並無人至遊祇有鹿來處纓足
兩弗知此意自隆古

貯雲簷

癸未

底事瀟然翰墨筵簷間常是貯雲煙秋來蒼葦方需澤

何不為霖潤坂田

貯雲簷

丙戌

畧轉迴廊上屋簷號貯雲胡寧不為雨難副有斯文切
切心猶慮英英氣已氤翹思霈優渥晚種利耕耘

貯雲簷口號

癸巳

齋檐額以貯雲名分付雲簷莫放行新澤詎予圖享
邇來農務且宜晴

貯雲簷

甲午

邇來晴雨稱時若不計流雲與貯雲偶步山齋喜名副
寫簷常自蔚氤氲

貯雲簷

乙未

構屋深山裏額簷曰貯雲寫楹本無意歸岫亦堪欣據
席衣宸潤拔筴翰墨芬山田膏雨足且止慢須勤

貯雲簷

壬寅

倚壁構雲簷雲來簷即貯夏雨幸優霑秋霖過斯苦今秋
乃殊常踰旬晴以久叶荷葉亦待澤較量甚農父爾簷

應放雲旄作甘膏溥

湧玉亭

癸未

山泉無大小淙竇即清泠
流豈方圓較德惟溫潤型彼

珎何是問此佩亦堪聽
瀉向石溪去寂然泯色形

山泉沿流石溪

稍就平地即涉沙石中不見
水此方幸如此不獨塞外也

湧玉亭

湧玉原云待雨有今朝
雨裏適憑欄絲前金後尋聲色

祇在從從落激湍

湧玉亭

甲申

一杯亦稱亭一線亦稱流孰非玉為喻冷然清兩眸今
朝恰值雨注壑勢弗留歸墟湧亭下聲色更擊球忽然
思齊安快哉似可侔

湧玉亭

丙戌

雖有石泉不作瀾藉惟暴漲澗飛湍何當快落秋林雨
亭上誠然湧玉看

湧玉亭

丁亥

曲注聲潺湲千澗隈
滙淙亭下澈滌洄尋常憶得初無此
始悟今從雨後來

湧玉亭

戊子

夏間淫雨潤山巔處處石渠貯有泉
今日小亭真湧玉
一泓如鏡碧澄鮮

湧玉亭

己丑

夏雨優霑草木榮
澗岨處處注波清
欄杆試俯垂流湍
湧玉今番始副名

湧玉亭

庚寅

處處山溪有水清亭稱湧玉果循名實因今夏經多雨
深憶吾民尚繫情以曰渌然誠滌慮猶聞瑟爾足佳聲
顧予敢取遊觀適惟是敬勤凜旦明

湧玉亭

山亭坐片時一升自一降馴馬試小步仄棧遵松巷秋
雨今年盛久晴溪尚壯亭得未曾有湧玉氣如虹循名
乃偶然清聲出幽淙

湧玉亭

壬辰

湧玉從來祇識名今朝名實兩收成高巖低澗皆淙脈

亭玉團團鏡影呈

湧玉亭

癸巳

騎峽虛亭亦可憑曲廊宛轉降還登尋常艱水茲渟水
始悟前朝過雨曾

湧玉亭

甲午

跨溪爲小亭溪流却匪常四山過雨後亦頗俯滄浪否

則石澗乾名存實乃亡今來晴三日漏卮成無當仰觀湧玉額祇疑韞匱藏

湧玉亭

乙未

虛亭架壑俯頗梨為聽為觀並入題湧玉今朝真湧玉蓋緣宿雨落巖谿

湧玉亭口號

丙申

每惜蹄涔致膠杯瀉渠今日水濛濛訝其何以能為此旋悟昨霄過雨來

昨日有小雨

湧玉亭

巳亥

昨過山雨石溪盈俯瞰玻璃十笏明渟者自居瀉者湧
願言今日善循名

湧玉亭

庚子

過雨山溪多出泉湧來林下玉冷然因羸溝澮可立待
抑亦深思孟子篇

湧玉亭

辛丑

湧玉今秋誠湧玉懸流曲注各分投究因常雨幸常霽

爾許慰中爾許愁

湧玉亭口號

壬寅

雨露又過浹旬秋亭下涓涓玉細流
四壁題詞畧無鏤偶來仍復有詩酬

積翠亭


癸未

四鄰峯勢特欽奇疊以林光渲染之祇著一亭翠微處
為他領要已無遺

積翠亭口號

經年閨月一遊巡如濯山螺潤意新欲問山亭虛四柱
擬將積翠待何人

林子師園文



文園獅子林 於清舒山館前度地為園模山範
水蘊淑懷奇

題曰文園獅子林

拈題分詠備十有六景之勝興

御園及吳中獅子林是一是二亭臺峯沼高下悉具
伏讀

御題諸什并序覺雲林粉本變現化工可以參詩妙可
以悟畫禪矣

御製詩

卷四十一

題文園獅子林十六景

有序
甲午

向愛倪瓚獅子林圖南巡時攜卷再至其地摹蹟
題詩昨於長春園東北隙地規倣為之即仍獅林
之名初得景八續得景亦如之皆系以句然其亭
臺亭沼但能同吳中之獅子林而不能盡同迂翁
之獅子林圖茲於避暑山莊清舒山館之前度地復
規倣之其景一如御園之名則又同御園之獅

子林而非吳中之獅子林且塞苑山水天然因勢
以位置並有非御園所能同者若一經數典則仍
不外雲林數尺卷中所謂言同不可何況云異如
此則二亦非多一亦非少不必更存分別見嬾道
人畫禪三昧或當如是耳既落成名之曰文園仍
隨景紀以詩或有以同不同為叩者惟舉倪迂畫
卷示之

獅子林

倪氏獅林存茂苑傳真小築御湖濱既成一矣因成二
了是合兮不是分愛此原看鷗侶勝他還有鹿遊羣
水稱武列山雄塞宜著溪園濟以文

虹橋

一再做涉園虹橋駕波起若論武夷曲在此不在彼

假山

塞外富真山何來斯有假物必有對待斯亦寧可捨窈
窕致徑曲刻峭成峯雅倪乎抑黃乎妙處都與寫若顧

西嶺言似茲秀者寡

納景堂

而臨清淺背孱廓落虛堂靜且閒
景納四時無盡藏
我來每愛夏秋間

清閼閣

吳工堆塑圖名畫了非殊有一寧無二傲燕仍憶蘇
安能闕彼欣雅足清吾欲問雲林子可知塞外乎

藤架

藤架石橋上中去聲距隨曲折兩岸植其根延蔓相連綴
施松筱豎上緣木斯橫列豎窮與橫適頗具梵經託漫
娘過花時花意豈終絕

磴道

石磴磳躋攀羊腸縈連雲關莫笑小許勝大峭清頗
傲寒山

占峯亭

塞山雄渾其固然峯巔恒將亘數里倪家結撰本江南

小景一伏旋一起是惟假山乃得之疊石倣為遂有此
側峯上覆一笠亭玉冠樓霞頗可擬

樓霞山有玉冠峯類此

亭占

峯乎峯占亭炎轂之辯將窮矣

清淑齋

春光艷覺秋光颯林有陰還砌有蕤若論園亭清淑景
吾云當屬夏為宜

小香幢

獅林實梵宗善吼度羣品香幢作清供迂翁佞佛甚綴

金溪先生集卷之二
景效其為匪圖福田稔人情以為田吾方事勤恁

探真書屋

書屋據橫嶺迴然清絕塵倪子既非主黃氏原為賓借
問研精者誰誠得其真

延景樓

萬石叢間覓進步壺中小樓欣始遇內塞得通景不凡
理境文津胥可悟可悟其妙未可言天倪道堯契性存
朴枝扶壁態閒矻瀑水落澗聲潺湲潺湲入池清且泚

佳麗四圍一鏡裏忽聞隔嶂鹿呦呦欲傲金閨未有此

畫舫

武陵何必拾溪頭煙興雲涯漾以周不是舫中收古畫
却因舫在畫中遊

雲林石室

石為雲復石為林十笏石室雲林心四家為首昔由昔
千秋一瞬今非今忽然悲几鋪藤紙又似田盤點筆吟

田盤靜寄山莊
亦有雲林石室

橫碧軒

碧鮮橫一帶近遠乃相殊近水波清澈遠山林翠鋪坐

來參合相望去訝分圖却憶囑因語王蒙有是乎

倪瓚自題

其畫卷云與趙君善長商推作獅子林圖真得荆關遺意非王蒙所夢見如海因公宜寶之云云茲用其意

水門

石牆洞跨溪清門扇不置五明

崔豹古今注稱舜廣開視聽作五明扇後世因

楊雄方言扇與篴並稱遂以五明為扇數典余以華囂之事必非舜所創蓋扇本門扉禮記所謂修闔扇是也

豹承廣開視聽而言則作五明畫舫隨出隨入境月疑

即闔四門之意曾為說以辨之

半疑盈卽此探奇問景亦堪悅目怡情忽爾中心忸怩
似忘無逸篇名

題文園獅子林十六景

獅子林

文園何以稱臺沼緬

文憑雖是新建置原因舊拓增埭花吐芬郁峯石疊峻曾
傳說環紆勢倪迂指點曾

虹橋

圓洞卧波上遙看一月如若論全體現半實半猶虛

假山

山莊之內多真山而何堆石肖其假求真不足假奚為
徒以涉園有此也引逕若髮殊鬱紆關縫似斧復甜間
散步其間論名實每以非真面微赭尋思自解曰無妨
此是懶瓚教我者

納景堂

虛堂不設牕櫺便因納景滿庭朝暮雲容水態春秋草

秀花馨自是四時無盡我惟數月來停詎祇說供目觀
真教靜契性靈

清悶閣

水木清華清絕塵古今悶弄悶誰真試看傳者倪家景
已屬逮乎黃氏津妙理靜機都遠俗詩情畫趣總怡神
高峯僧帽面前峙何異當年因上人

見倪瓚鄉子
林圖自識語

藤架

支架隨橋曲復斜青根延蔓綠交加已欣長
上聲處密生

葉莫訝來時都謝花

藤花開於暮春首夏每過夏至始來駐驂故不見也

磴道

磴以曲致佳道實近若遠因思求道人不如斯蓋鮮而我步具間絜矩勵返本

占峯亭

亭占一峯巔一峯俯足底遊目望四鄰萬峯納於裏奇遇問所欣在彼不在此忘已物備我可以悟至理

清淑齋

花木淑景山水清音嵐靄朝夕天地古今不同不殊有
壬有林造物無言會者隨心而齋受之以虛為斟

小香幢

豎峯一朵似香幢調御端居朗慧釭徒以肖倪為綴景
幾曾因此覓心降

探真書屋

書屋構文園探真事可論所思切乎已時復發於言不
著人驚句

此語反杜
甫詩意

惟疏茅塞源心傳即治法總覺未

窺籬

延景樓

石林雲磴極叢攢中有層樓俯迥寬南秀北雄此兼得

躍魚濯鹿豈無端漫嘗

平聲

燕塞重儻見雅喜倪黃合作

看

獅林為倪迂始而今屬蘇門黃氏為涉園又畫家有倪黃合作之語假藉用之

發裕固逾

十家座

凡有經營皆發內帑和雇然較之十家座則已過矣

因之漢史每慚觀

畫舫

可讀書還可閱畫煙波載月那須賒試詢數典於何得

不是歐家定米家

雲林石室

林態既翦蔚石勢復容裔披林入石逕都有雲之意坐
室衣裳潤不知其來際

橫碧軒

湖裔得平坦虛軒架幾楹水山呈動靜上下印空明北
塞無雙處西峯一帶橫氣佳供日夕陶句味精評

水門

水門來往可通舟有暇還因作卧遊却笑武陵誇秘境
能無花片付溪流

文園四詠

乙未

石

南方石玲瓏北方石雄壯玲瓏類巧士雄壯似強將風
氣使之然人自擇所向

松

涉園松叅天

吳中獅子林今
屬黃氏為涉園

文園松齊肩境新斯植墀

而亦森蒼然右招西嶺者老逾彼千年

鹿

野鹿如牛羊日夕每下來溪邊及巖畔可與共徘徊此

地之所長江南何有哉

謂涉園

鶴

吳中曾一見綴景置雕籠豈如縱以飛來往翺煙空質
之倪高士首肯應我從

遊文園獅子林

丙申

園裏文園繞一隅却成十六景分鋪取諸左右源堪挹
別以高低趣便殊朝暮靄嵐標活句清真山水列奇圖
問從何處得粉本格法依稀自嬾迂

文園六詠

丙申

房

蹟自倪傳今屬黃世間執業底為常雲林圖展試一證
慙愧草房易瓦房

山

四面真山中假山頗因詰曲露孱顏暇餘偶向其間步
真假何須辨等閒

水

雁齒橋欄照影紅金闔想像畫圖中雖然入海殊遙近
及至其間合相同

松

峯側嶺端合點綴索馳教種稚松新設如拱把例桐梓
孟氏良言思養身

魚

綢罽絲竿例不動鏡中撥刺錦成雲文園當日原靈沼
於叔何殊樂利羣

蟬

流響欣聞緯爾齊

卷外之蟬 蒙古名曰緯爾齊蓋謂歌曲者

蛙聲自合異高

低聽來却欲笑王晏鼓吹字須慙孔圭

清閨閣對雨

六月十七日

五月期非舛

舊曆五月五日一雨
實非十二日而

三庚景最清詩成

倪子處畫玩米家情遠喜山禾潤近觀水卉榮

前池今歲種荷

正
開高峯對僧帽

僧帽峯雲幕則雨久否則連晴今見峯知雨弗久也

可卜即開晴

題文園獅子林十六景

己亥

獅子林

文園塞北此時開移得江南粉本纔獅吼一聲大千遍
悟知無去亦無來

虹橋

駕水石橋宛若虹波光浮動有無中武夷帳幔何須擬

未脫塵寰色與空

假山

真山四面假成斯其故云何別有思薄假貴真試遊目
山猶如此戒應知

納景堂

面水背山敞四筵景筵遠近納無邊灑然對處依然念
不覺光陰隔兩年

清悶閣

高閣倪家苑在此既清且闊遠塵喧何須更展迂翁畫
喬樹蒼山古法存

藤架

覆橋為架架藤枝引蔓分條葉滿披散步綠陰俯流水
漫嫌曾不遇花時

磴道

磴道層層砌假山林岑曲折費登攀設如次第論詩品
祇在郊寒島瘦間

占峯亭

一峯之上，一亭幽近，翠遙青四，面酬占取，無邊好佳處，
原從脚底漫他求。

清淑齋

山館清舒祗隔河

齋在清舒山館之南

相隔一河，皇祖所題也。

齋名

清淑意如何，卷阿

家法近咫尺，憇息中懷肯構多。

小香幢

一間小閣豎疑峯幻作香幢護相容大士有云祇能所
不知何物稱去聲清供

探真書屋

瀟然書屋額探真綈几芸編次第陳宣在章尋與句摘
要當實責以名循

延景樓

兩歲曾無拾級尋仍看風樹與雲岑儻然延景愴然憶
大異前巡

金史卷之二十一
卷四十
愛日心

畫舫

塞水艱於可泛舟居然池面貯澄流煙蓬月棹隨飄漾
賒與清河作卧遊

雲林石室

雲為林復石為室會以天然遠以塵而我原非習靜者
不過偶至一怡神

橫碧軒

近沼遙峯映綺疏
碧霄含蓋永如如
莫非奇也奇之最
軒以無言領有餘

水門

跨水為門月樣空
往來時許一舟通
偶然寄趣因成涉
勤政吾當恒惕衷

再題文園獅子林十六景

庚子

獅子林

今歲吳中獅子林
一三三一了難尋
茲來重憶昨年句

笑我未忘分別心

御園以文園皆有吳中獅子林并假雲林為園各弄之非歲時有移得江

南粉本繪之句是一是
三未免尚存區別見耳

虹橋

枕岸如弓弦未平徐因展步俯波清波中試看影浮動
始信斯橋善副名

假山

四鄰疊翠夥真山名此因何以假顏可識有真那無假
莊生齊物破天慳

納景堂

近欣水遶遠峯羅
豈必金閭較若何
一著由來取勝者
殊他牆外聒笙歌

清閔閣

城市終輸太古山

謂雲林清閔閣在蘇城中

雅應兩字額檐間底須

書畫於中弃

御林閣中本倪迂筆以蓄貯古書畫人罕跡其所云

水態峯容粹以

間

藤架

夾橋曲折支竹木種以藤蘿引蔓繁莫謂花時率弗遇
芳菲意自架頭存

磴道

高低詰曲石為階行飯恒於此散懷委宛喜他巖妙趣
直弦畢露有何佳

占峯亭

亭底由來祇一峯縈青繚白四隣供以茲名實俱收者

欲問仙卿

雲林別號也

意可從

清淑齋

祭學鄴侯富縹緗薰風來處有微涼清舒清淑相照映
山莊內清舒山館石逕繁紆臨湖清漾可以一例披芸
延爽納涼與清淑齋相映俱芒牕勝景也

消夏長

小香幢

佛閣假山據上層蕭然木榻對篝燈問他僧寺住旬日

謂元鎮見顧元慶雲林遺事此景可殊曩日曾

探真書屋

聖賢語無不真者祇在讀書人自尋於我為何最親切
始終堯典曰惟欽

延景樓

南至又看彌月過階延曦影上簾紋光陰駒隙誠堪惜
何暇其間計寸分

雲林石室

室倚石林雲吐石靜斯為主動斯賓文然寫出倪家號
何必其間坐箇人

橫碧軒

疏眉八字帶西橫
過雨新螺濯以清
返照入湖翻得趣
翠雲御柳一時明

畫舫

舫非畫也而稱畫
豈是安名特好
去聲生看取鏡中流動
意何殊六法得神情

水門

弗通車馬祇通舟
亦得門名枕碧流
恰似子游心以會

並思言行可符不

熱河文園獅子林成因再做倪瓚獅子林圖貯清

閼閣中井疊御園倣獅子林圖韻

甲午

石疊奇峯水引渠文園題景各分書依稀茂苑境移彼
一再獅林圖倣予真似望洋歎河伯祇同嗜古事鈔胥
嬾迂雅愛參佛偈如是欲詢可是如

驛致蘇州所弄倣倪瓚獅子林圖再題以句

甲午

豈不獅林宛而茲

御園所倣
已成有詩

偶懷南卷驛觀之漫言是

一已非一應識離斯乃即斯境裏倪黃胥幻若

圖舊為倪瓚作

今為黃氏涉圖

圖中燕塞又紛其

既於御所做吳中獅子林題以十六景復於塞苑做其景

為文園亦系以詩茲驛取南卷欲證筆境若何仍書其後而還之

題成仍付北風去親

愛民情遠繫思

再題所做倪瓚獅子林圖仍疊前韻

丙申

倪圖一再仿渠渠

蘇州獅子林御園及此而三皆仿雲林為圖各幸之

并有題詞

卷內書翰墨因緣雖慕昔亭臺建置覺過

平聲

予遊觀富

固輸吳會山水清原自赫胥重此拈毫賡舊韻東坡往

事每因

如一韻數聲惟東
坡愈出愈奇

再題所做倪瓚獅子林圖仍疊前韻

已亥

由來水到便成渠斯語堪詮畫與書園建獅林原慕彼
圖藏清閤復題予幽佳比日傳上塞同吳明春證古胥
一再做之一再詠自維何事太紛如

題所做倪瓚獅子林圖三疊前韻

庚子

樸室原非夏屋渠受他宜畫更宜書兩番粉本粗臨彼
四韻成章又疊予水復潺湲憑式列春同遊豫到姑胥

迂翁簡筆含多趣面目如之神未如

題所做倪瓚獅子林圖四疊前韻

辛丑

逸品倪圖葺石渠倣為一再並題書孤高祇以蹟傳彼
構築因之事艱予眷展神遊到姑熟几憑清夢擬華胥
吟成依舊蠅頭寫老眼先慚昔不如

題所做倪瓚獅子林圖五疊前韻

壬寅

山自圍房水瀉渠圖成題已五番書雖云倣彼真慚彼
不曰知予當罪予喜有野禽歌宛轉又看小木長

上扶聲

胥一時偶爾抒閒興那較迂翁如不如

欽定熱河志卷四十